

**KJKP "RAD" d.o.o. SARAJEVO**

**-DIREKTOR-**

**Broj: 05-03-04- /18**

**Sarajevo, 20.11.2018. godine**

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, direktor donosi

## **ODLUKU**

### **o izboru najpovoljnijeg ponuđača za nabavku radova na izgradnji sanitarne plohe na sarajevskom odlagalištu otpada**

#### **I**

Kao najpovoljnijeg ponuđača za nabavku radova na izgradnji sanitarne plohe na sarajevskom odlagalištu otpada, odabiram ponudu ponuđača "BOSMAN" d.o.o. Sarajevo.

#### **OBRAZLOŽENJE**

KJKP "RAD" je dana 29.10.2018. godine na portalu javnih nabavki BiH objavilo Obavještenje o nabavci kroz ponovljeni otvoreni postupak sa objavom obavještenja za izbor najpovoljnijeg ponuđača za nabavku radova na izgradnji sanitarne plohe na sarajevskom odlagalištu otpada, sa rokom dostave ponuda 19.11.2018. godine.

Po otvorenom postupku za nabavku pristigla je jedna (1) ponuda i to ponuda firme „BOSMAN“ d.o.o. Sarajevo.

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila je da je ponuda gore navedenog ponuđača potpuno prihvatljiva. Obzirom da je Obavještenjem o nabavci predviđeno provođenje E-Aukcije, a da je pristigla jedna prihvatljiva ponuda, Komisija u skladu sa članom broj 3., stav (3) Pravilnika o uslovima i načinu korištenja E-Aukcije („Službeni glasnik BiH“ broj 66/16) predlaže da se ova ponuda prihvati kao prihvatljiva te da se postupak okonča u skladu sa članom broj 69. Zakona o javnim nabavkama („Službeni glasnik BiH“ broj 39/14).

Obzirom da se radi o ponovljenom otvorenom postupku javne nabavke kojim nije predviđeno sklapanje Okvirnog sporazuma a da je broj prihvatljivih ponuda jedan (1), cijeneći budžet ugovornog organa određen za nabavku predmeta javne nabavke od strane Komisije utvrđeno je da je zadovoljena stvarna konkurencija i daje preporuku Ugovornom organu da ponudu ponuđača „BOSMAN“ d.o.o. Sarajevo prihvati kao najpovoljniju, budući da je dostavio svu potrebnu dokumentaciju i ponudio ukupnu cijenu od 134.793,00 KM bez uračunatog PDV-a.

Odabrani ponuđač je obavezan u roku od pet (5) dana od dana prijema ove odluke dostaviti dokaze o ispunjavanju uslova iz člana 45. i 47. Zakona o javnim nabavkama BiH. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

**PRAVNA POUKA:**

Protiv ove Odluke može se uložiti žalba Ugovornom organu, odnosno KJKP"RAD", u pisanoj formi u roku od 10 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka

**DIREKTOR KJKP „RAD“  
Selim Babić dipl.ing.grad.**

**DOSTAVITI:**

- Ponuđačima;
- a/a